

Ezi 6plan
dughiaba
ikiavira itima,
God Israelia Gitazir
Dughiamin isar ekiam
otivasa. Ezi dughiar
kamin Iesus Betanin nguibamin
ghu. Betani a Lasarusin
nguibam, a gumazir
Iesus mozim in a
gamizima a ua dikavizim.



Ezi Maria,
mughuriar
aghuim zuir borer
ivezim bar pin kozim
inigha iza Iesusin
dagarimning ginge, egha
uan dapanir arizimin an
dagarimning adisi. Ezi
borer kamın mughuriar
aghuim dipenim bar a koro.



Ezi Judas Iskariot 12plan aposelin mam, a Iesus isi ofa gamir gumazir ekiabar dafarim darighasa me bagha ghu. Ezi Farisiba an akar kam baregha bar akonge, egha dagiaba a daningasa akam akiri. Ezi Judas, Iesusin suiragh men dafaribar arighasa tuaviba buri.



Ezi suren gumaziba Iesus
mikemezi moghin ghua God
Israelia Gitazir Dughiam bagha
dagheba ko bizibar kiri. Iesus uan
suren gumaziba ko apava, a
bretin mam inigha God
minabagha anebigha, a isa uan
suren gumazibagh aniga
kamaghin me migei, "Kar
nan inivafizim.
Ia a inigh
aneremi."



Egha a wain apir kavin mam
inigha God minabagha, a isa me
ganiga kamaghin migei, “la bar
wainin dipar kam ami. Kar nan
ghuzim, an Akar Dikirizir
Gavgavim, a gavgavim a ganidi.
A, gumazamizir aviribar arazir
kuraba gin amangasa, nan
ghuzim me bagha ire.”



Egha Iesus kamaghın mıgei, “Saimon, Saimon, Satan nın nıghnızir gavgavim tuisıgh a gifoghasa Godın azara. Ezi ki ni bagha Afeziar Ekiam ko mikemegha gıfa, nın nıghnızir gavgavim irıghan kogham. Egh ni uamategh na bagh izi, egh gavgavim uan aveghbuabar anıng.”



Ezi Pita kamaghin a migia ghaze, “Ekiam, ki ni ko kalabusin mangam o aremeghasa ifuegha iti.” Ezi Iesus kamaghin Pitan akam ikaragha ghaze, “Ki ni migei, ni datirighin dughiar pumuning ko mikezimin mikim suam, ni na gifozir puvati, eghti tuarim maghirama akam.”



Egha Iesus uan suren gumaziba ko danganir ziam Getsemanin ghue. Egha a kamaghin me migei, “Ia kagh dapiaghiv ikti, ki munagh mangi God ko mikimam.” A kamaghin God ko migei, “O Ame, nan afeziam, bizitam bar nin osemzir puvati. Kamaghin osimtizir kam, ni na dam a inigh. Ni nan ifongiamin gin mangan marki. Puvati, ni uan ifongiamra gin mangi.”




Egha a Romın mıdorozir gumaziba ko, ofa gamir gumazir ekiaba ko Farisiba amadazir polisın maba inigha me danganir kamın ghue. Egha me adenir aviba ko lamba ko mıdorozir biziba sara suigha zui. Ezi men mav mıdorozir sabam inigha, ofa gamir gumazibar ekiamın ingangarir gumazir mam misogha, bar an kuarim anetuzı a irı. Ezi İesus kamaghın mıgei, “Arazir kam atakigh!” Egha İesus an kuarımın suirazi, a ua dera.



Ezi Iesusin apaniba an suigha a inigha ofa gamir gumazibar dapanimin dipenimin zui. Ezi Pita men gin ghua mong girara iti. Ezi me dipenimin divazimin aven avim atigha apiaghav itima, Pita uaghan me koma aperaghav iti.




Ezi ofa gamir gumazibar
dapanimin ingangarir
gumazir mam iti, a Pita
kuarim atuzir
gumazimin adarazir
mav. A ghaze, “Ki ti nin
gani, ni lesus ko
azenimin aven ikes?” Ezi
Pita ua kamaghin migei,
“Puvati.” Ezi dughiar
kamra tuarim ake. Egha
Pita inirighava, azenan
ghugha bar puvirama
azi.



Egha gumazir bizim bar dikavigha
Iesus inigha Pailat bagha zui. Ezi
Pailat Iesusin azai, “Ni Judabar
atrivim, o?” Ezi Iesus ghaze, “Are, ni
mikemezi moghira.” Ezi Pailat Iesus
ateghti a mangasa ua
me migei. Ezi me
kamaghin tuai, “A isi ter
ighuvimin a gafugh! E a isi
ter ighuvimin a gafugh!”




Kamaghin amizi, Pailat Iesus
isa, me ter ighuvimin a
gafughasa, a men agharim gati.
Ezi me Iesus inigha zui. Ezi a
uabi uan ter ighuvim gupugha,
nguibar ekiam ategha danganir
mamin zui, an ziam “Dapanir
Agharir Danganim.” (Hibrun
akam me ghaze, “Golgota.”)




Ezi danganir kamın me a isa ter
ighuvimın anegura. Egha me gumazir
igharazir pumuning a ko, aning
agura, mam vongın itima,
mam vongın iti.

Ezi Iesus
aningın
torimın iti.



Ezi aruem dughiar kamin garir puvati. Kamaghin amizi, mitatem 12 kloghin nguazim bar anevaragha ghua 3 kloghin tu. Ezi Godin Dipenimin itir inir ekiam tongira biki. Ezi Iesus pamtem kamaghin dei, "Afeziam, ki uan duam nin dafarim garisi." A kamaghin mikemegha, uan duam sue.



Datirighin Sabat bagha bizibar
kirir dughiam. (Eghti guaratizim
Sabat otogham.) Ezi
kamaghin aruem gevima,
Arimatean gumazim
Josep, Judabar kotin
aven itir gumazir
aghuir me bar
fozim.

A uabi uaghan
God Bizibagh
Ativamin
Dughiam bagha
mizuai. An atiatir
puvatigha Iesusin
kuam iniasa ghua
Pailatin azai.



Ezi Josep inir ghurghurir aghuir
mam givezegha iza Iesusin
kuam adangi. Egha a righa
ghua dagiar torir me
dutuzimin ghugha aneti.

Ezi Makdalan amizim
Maria ko Josepin
amebam Maria,
aning gari,

Josep Iesusin
kuam isa dagiar
torimin aven
anetigha, dagiar
ekiar mam
poghpuegha iza
an akam dukua.



Ezi Sabat bagha bizibar kirir dughiam
gifa, ezi an gin izir
dughiamin ofa gamir
gumazir ekiaba ko
Farisiba Pailat bagha
ghue.



Me ghuegha kamaghin a migei,
“Gumazir ekiam, e gumazir ifavarir
kam ikia mikemezir
migirigiar mam giniri. A
ghaze, ‘Aruer pumuning
ko mikezim
givaghtima
ki ua dikavam.’”



“Ezi me ghua mozim apiri.
Egha ifevimin min bizir mam
mozir akam gighufa, egh
me fogham, gumazitam
dagiam giraghan
kogham. Egha
midorozir gumaziba
arighizima, me
mozimin gara iti.”



Ezi Sabatin dughiam givazima,
Sanden bar mizaraghara aruem
anadima, Makdalan amizim
Maria, ko Marian igharazim
uamategha mozimin
ganasa izi. Ezi
mikimkizir ekiam
maghiram oto.



Ezi Godin enselin mam Godin
Nguibam ategha izaghira,
dagiar Iesusin mozir akamin
itim poghpuegha, mong
mozir apinimin ghugha,
dagiam gaperaghav
iti.

Ezi midorozir
gumaziba an atiatia,
inigha egha aremezi
moghin iti.



Ezi ensel kamaghin amizir kamning
migei, "Gua atiatingan marki. Ki
fo, gua me ter ighuvim gafuzir
gumazim Iesus bagha gara
izi. A kagh itir puvati."
A faragha mikemezi
moghin a ua
dikavigha gifa. Gua
izi, a kagh irighav




ikezir danganimin
gan.



Ezi amizimning puv atiatiava, egha uaghan bar akonge. Egha zuamira mozim ategha, ivegha lesusin suren gumazibav kimasa zui. Ezi lesus tuavimin maghira aning bato, egha ghaze, "Mizarazir aghuim." Ezi aning an boroghin ghua, an dagarimningin suiragha an ziam fe.





Egha gin 11plan suren gumaziba apima Iesus uabi isa men aka. Egha a, me nighnizir gavgavim puvatizir bizim ko, me navir gavgavim ikia a ua dikavizi migirigiam marazi an ganigha migeima me nighnizir gavgavim migirigiar kamin itir puvati, ezi bizir kaba bagha Iesus me migia men atari. Egha Ekiam Iesus bizir kaba me mikemegha givazi God a inigha uan Nguibamin ghuavanabo. Ezi a Godin agharir guvimin amadaghan aperaghav iti.



God Otarir
bar vamira iti. Egha
God nguazimin itir gumazamiziba,
bar me gifonge. A kamaghsua,
gumazamiziba bar nighnizir gavgavim
an Otarimin ikiva ovengan kogh,
zurara itir ikirimirir aghuarim iniam.
Bizir kam bagha an Otarir bar
vamiran kam me
ganingi.



Rom 3:23 Gumamaziba bar moghira arazir kuram gamigha, Godin angazangarimin saghon ikia an aven mangan ibura.

Rom 6:23 Guizbangira, arazir kuram ivezim isa uan ingangarir gumamazibagh aningi. Ivezir kam an ovevemra. Ezi God bizir aghuarir pura e ganingizimra kara, zurara itir ikitimirir aghuarim. Ikitimirir kam, e uan Ekiam Kraiss Iesus ko poroghava a isi.

Hibru 9:27 Gumaziba bar dughiar vamiran ovegh egh gin Godin kotiamin otivam.

Efesus 2:8,9 Ia nighnizir gavgavim Godin itima, a uan apangkuvimin tuavimra ian akurvasi. Kar ia uari amizir puvatizir bizim. Puvati.



God pura ia ganingi. Kar ian ingarimın ıvezim puvati.
Kamaghın bizir kam bagh gumazitam uabi uan
ziam fan marki.

Rom 10:9,10 Ni uan akamın kamaghın mikim suam, “İesus
a nan Ekiam,” egh uan navir averiamın aven nıghnızir
gavgavim iki, kamaghın fogh, God İesus gamizi a mozimın
ua dikafi, eghti God nın akurvaghti, ni ikivira ikiam. E fo, ni
navir averiamın nıghnızir gavgavim İesusın ikiti, God suam,
ni nan damazimın dera. Egh uaghan ni uan akatorimın
suam, “İesus nan Ekiam,” eghti God nın akuraghti,
ni ikivira ikiam.

Jon 3:16,17 “God Otarir bar vamıra iti. Egha God nguazimın
ıtir gumazamiziba, bar me gifonge. A kamaghsua,
gumazamiziba bar nıghnızir gavgavim an Otarimın ikiva
ovengan kogh, zurara itir ikirimirir aghuarim iniam. Bizir
kam bagha an Otarir bar vamıran kam me ganingi.”



“God uan Otarim nguazimın gumazamizibar jasın mın me
tuisighasa anemadazir puvati. A men akurvaghasa
anemada.”

1 Jon 5:11-13 God ikrımırir aghuir zurara itim e ganıngizi,
e fo, mıgırıgıar kam, a guızın mıgırıgıam. Godın Otarımın
poroghav itir tuavımın, e ikrımırir aghuir kam iti.
Gumazamizir Godın Otarımın poroghav itiba, me ikrımırir
aghuir zurara itim isi. Gumazamizir Godın Otarımın
poroghav itir puvatıziba, me ikrımırir aghuir zurara itim isir
puvati. Ia nıghnızir gavgavım Godın Otarımın zıamın itiba,
ia ikrımırir aghuir zurara itim iniasa, kı fuegha, kamaghın kı
bizir kaba ia bagha da osiri.



Matyu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Aruamu Bible (msy) © 2020 Pioneer Bible Translators This work is licensed under the Creative Commons Attribution Share-alike 4.0 license.

<https://www.bible.com/en-GB/bible/3007/MAT.1>

©2026 Bible for Children, Inc.

www.M1914.org

www.bibleforchildren.org

